





曰謹朱國

厭火國在其國南獸身黑色生火出其口中

言能吐火畫似

獼猴而黑色也 一曰在謹朱東

三株樹在厭火北生赤水上其為樹如栢葉皆為珠

一曰其為樹若彗

如彗星狀

三苗國在赤水東其為人相隨

昔堯以天下讓舜三苗之君非之帝殺之

有苗之民叛入南海為三苗國 一曰三毛國

載國在其東

音秩亦音替

其為人黃能操弓射蛇

大荒經云此國

自然有五穀衣服

一曰載國在三毛東

貫匈國在其東其為人匈有竅

尸子曰四夷之民有貫匈者有深目者有

山海經

卷之六

二

長肱者黃帝之德常致之異物志曰穿匈之一日在國去其衣則無自然者蓋似效此貫匈人也 一曰在

載國東

交脛國在其東其為人交脛

言脚脛曲戾相交所謂離題交趾者也或作頸

其為人交頸而行也

一曰在穿匈東

不死民在其東其為人黑色壽不死

有員丘山上有不死樹食之乃

壽亦有赤泉飲之不老

一曰在穿匈國東

岐舌國在其東

其人舌皆岐或云支舌也

一曰在不死民東

崑崙墟在其東墟四方

墟山下基也

一曰在岐舌東為墟

四方羿與鑿齒戰於壽華之野羿射殺之在崑崙墟

東羿持弓矢鑿齒持盾

鑿齒亦人也齒如鑿長五六尺因以名云

一曰戈



詳未

三首國在其東其為人一身三首一曰在鑿齒東

周饒國在其東其為人短小冠帶其人長三尺穴居能為機巧有五穀

也

一曰焦僥國在三首東外傳云焦僥民長三尺短之至也詩含神霧曰從中州以

東西四十萬里得焦僥國人長尺五寸也

長臂國在其東捕魚水中兩手各操一魚舊說云其

至地魏黃初中玄菟太守王頎討高句麗王宮窮追之過沃沮國其東界臨大海近日之所出問其耆老海東復有人否云嘗在海中得一布褶身如中人衣兩袖長三尺即此長臂人衣也一曰在焦

僥東捕魚海中

山海經 卷之六

三

狄山帝堯葬于陽呂氏春秋曰堯葬穀林今陽城縣

南皆有堯冢帝嚳葬于陰魯堯父號高辛今冢在頓丘爰

有熊羆文虎彫虎也尸子曰中黃伯余左雌豹雌獼

離朱木名也見莊子視肉聚肉形如牛肝有兩目也

吁咽詳所未文王皆葬其所今文王墓在長安鄠聚社

而山海經往往復見之者蓋以聖人久於其位仁化廣及恩洽鳥獸至於殂亾四海若喪考妣無思不哀故絕域殊俗之人聞天子崩各自立坐而祭醮哭泣起土為冢是以所在有焉亦猶漢氏諸遠郡國皆有天子廟此其遺象也

一曰湯山一曰爰有熊羆文虎雌豹離朱鳴久鳴久

屬之視肉虜交所未詳也其范林方三百里言林木汜濫布衍也



南方祝融獸身人面乘兩龍也火神

山海經

卷之六

四

山海經第六